

20\_\_ йил “\_\_” \_\_ да \_\_ -сон билан  
рўйхатга олинган “Ўзбекистон Республикаси  
Ташқи иқтисодий фаолият миллий банки”  
акциядорлик жамияти томонидан  
жисмоний шахсларга чакана кредитлаш  
хизматлари кўрсатиш тартиби”га  
5-илова

Кредитнинг тўлиқ киймати

(рақам ва сўзларда)

Овердрафт кредити бериш тўғрисида кредит шартномаси № \_\_\_\_\_

\_\_\_\_\_ шахри.

20\_\_ йил \_\_\_\_\_.

«Ўзбекистон Республикаси Ташқи иқтисодий фаолият миллий банки» акциядорлик жамиятининг \_\_\_\_\_ бўлими/филиали (кейинги ўринларда–Банк) Низом ҳамда 20\_\_ йил \_\_\_\_\_ даги \_\_\_\_\_ - сонли ишончнома асосида иш олиб борувчи ўз вакили – \_\_\_\_\_ бўлими/филиали бошқарувчиси \_\_\_\_\_ бир томондан ва \_\_\_\_\_ да яшовчи, \_\_\_\_\_ томонидан \_\_\_\_\_ йилда берилган № \_\_\_\_\_ паспорт маълумотларига эга \_\_\_\_\_ (кейинги ўринларда–Қарз олувчи) иккинчи томондан ушбу шартномани қуйидагилар ҳақида туздилар.

### 1. Шартнома предмети

1.1. Банк Қарз олувчига кредит қўмитасининг \_\_\_\_\_ йилдаги \_\_\_\_\_ - сонли қарорига асосан овердрафт кредити беради.

1.2. Ушбу шартномага асосан Банк пластик карточкаси сақловчисига товарлар (ишлар, хизматлар) учун тўловларни амалга ошириш учун ўрнатилган лимит доирасида Банк пластик карточкаси ҳисобварағидаги қолдиқ маблағидан ортиқ миқдордаги маблағни ишлатиш ҳуқуқини беради.

1.3. Бериладиган овердрафт кредити (пластик картага ўрнатиладиган лимит) суммаси \_\_\_\_\_ сўм.

1.4. Овердрафт \_\_\_\_\_ ойдан иборат бўлган имтиёзли давр билан \_\_\_\_\_ ой муддатга берилади.

1.5. Овердрафт бўйича қарз қолдиғига йиллик \_\_\_\_\_ % ҳажмида фоиз ҳисобланади. Муддати ўтган асосий қарздорлик учун йиллик \_\_\_\_\_ % ҳажмида фоиз ҳисобланади.

1.6. Овердрафт асосий қарзи (овердрафт лимити) ажратилган санадан 2 ой ўтгандан сўнг ҳар ойда 10 %дан камайтириб борилади. Овердрафтни қайтариш даврийлиги ушбу шартномага асосан ҳар ойда бир марта \_\_\_\_\_ - санасида амалга оширилади.

1.7. Қарз олувчи томонидан ушбу Шартнома бўйича мажбуриятлар тегишлича бажарилишини таъминлаш мақсадида, Ўзбекистон Республикаси Фуқаролик кодексининг 783-моддасига мувофиқ, Банкка овердрафт қарзини сўндириш бўйича Қарз олувчининг Банкдаги ҳар қандай ҳисобварақларидан ҳар қандай валютадаги пул маблағларини чиқариб олиш борасида ҳеч қандай шарт қўйилмайдиган ва қайтариб олинмайдиган ҳуқуқ/фармойиш тақдим этади.

1.8. Ушбу шартномага асосан берилган овердрафтни қайтариш қарздорнинг иш ҳақи, пенсияси ёки қонун ҳужжатларида тақиқланмаган бошқа маблағлари унинг банк пластик карточкасига кириш қилиш орқали ва кредитни сўндиришнинг қонунчиликда тақиқланмаган бошқа усуллари ёрдамида амалга оширилади.

### 2. Томонларнинг ҳуқуқлари ва мажбуриятлари

#### 2.1. Банкнинг ҳуқуқлари:

2.1.1. Қарз олувчининг тўлов лаёқатини, овердрафт таъминоти етарлилигини назорат қилиш, Қарз олувчидан мажбуриятларни бажариш юзасидан керакли хужжатларни сўраб олиш.

2.1.2. Овердрафтнинг навбатдаги қисми ўз вақтида сўндирилмаган ҳолларда:

а) Овердрафт (ёки унинг бир қисми) муддати ўтган тўловлар ҳисобварағига киритилган санадан бошлаб овердрафт учун ҳақни оширилган фоиз ставкаси бўйича, муддати ўтган қарз суммасидан йиллик \_\_\_\_\_ фоиз ҳажмида белгилаш;

б) Қарз олувчидан овердрафтни (овердрафт бўйича қарз қолдиғини) муддатидан олдин қайтариш ва фоизларни тўлаш юзасидан дарҳол чоралар кўришини талаб қилиш;

в) қонунчиликка мувофиқ, овердрафт бўйича қарзни сўндириш учун таъминотни сотиш борасидаги ҳар қандай ҳуқуқлардан фойдаланиш;

г) ушбу шартномани белгиланган тартибда бекор қилиш.

2.1.3. Қарз олувчи ушбу Шартнома шартларини қандай бажараётганлигини текшириш.

2.1.4. Қарз олувчи овердрафт бўйича асосий қарз ва фоизларни қайтаришнинг белгиланган муддатларига амал қилмаса Банк қонунчиликда белгиланган тартибда тегишли чоралар кўради.

## **2.2. Қарз олувчининг ҳуқуқлари:**

2.2.1. Овердрафт шартномаси лойиҳасини банк ташқарисида танишиб чиқиш ва маслаҳатлашиш учун олиш.

2.2.2. Овердрафт шартномаси имзоланганидан кейин, бироқ пул маблағлари ҳақиқатда олингунга қадар Овердрафт олишдан бIRON-бир тўловларсиз воз кечиш.

2.2.3. Овердрафт қарздорлигини Шартномада белгиланган муддатлардан аввал қисман ёки тўлиқ қайтариш.

2.2.4. Банк томонидан овердрафт шартномаси ўзгартирилиши кутиладиган ҳолларда бу ҳақда камида 5 кун олдин ахборот олиш.

2.2.5. Суғурта компаниясини танлаш.

## **2.3. Банкнинг мажбуриятлари:**

2.3.1. Қарз олувчига \_\_\_\_\_ сўм овердрафт бериш.

2.3.2. \_\_\_\_\_ овердрафт ҳисобварағи очиш.

## **2.4. Қарз олувчининг мажбуриятлари:**

2.4.1. Овердрафт олингунга қадар кредит қайтарилиши таъминоти сифатида овердрафтнинг 125 %дан кам бўлмаган \_\_\_\_\_ сўмлик \_\_\_\_\_ (гаров таъминоти турларининг бири кўрсатилади) ни қонун ҳажжатлари талабларига мувофиқ ва Банкни қониқтирадиган шаклда расмийлаштириб тақдим этади.

2.4.2. Овердрафт ва унга ҳисобланган фоизларни 20\_\_ йил \_\_ \_\_\_\_\_дан бошлаб ҳар ойда бир марта сўндириб бориш.

2.4.3. Ҳар ойда, овердрафт бўйича навбатдаги тўловларни Банкда Қарз олувчи номига очилган махсус пластик карта ҳисобварағига олдиндан, асосий қарз ва фоизлар бўйича навбатдаги тўлов муддати келгунича киритиб бориш.

2.4.4. Овердрафт муносабатлари жараёнида кредит масалалари юзасидан зарур бўлган ҳар қандай ахборотни Банкнинг талабига кўра унга тақдим этиш.

2.4.5. Турар жойи, иш жойи, фамилияси ёки исми ўзгариши кутилаётгани, шунингдек мазкур шартнома бўйича мажбуриятлар бажарилишига салбий таъсир кўрсатиши мумкин бўлган бошқа вазиятлар тўғрисида кўпи билан 3 кун ичида Банкка хабар бериш.

2.4.6. Ушбу шартнома амал қиладиган муддат мобайнида Қарз олувчи Банкнинг розилигисиз ушбу шартнома бўйича Қарз олувчининг мажбуриятига нисбатан устивор талаб қилиш ҳуқуқига эга бўлиши мумкин бўлган учинчи томонларнинг кредитлари ёки қарзларини жалб қилмаслиги керак.

## **3. Томонларнинг жавобгарлиги**

3.1. Томонларнинг ушбу шартномада кўзда тутилган мажбуриятларни бажаришдан бош тортиши ушбу шартнома шартлари ва Ўзбекистон Республикасининг амалдаги қонунчилигига мувофиқ жавобгарликка тортилади.

3.2. Овердрафт бўйича қарздорликни белгиланган муддатда тўламаганлиги ва улар бўйича муддати ўтган суммалар вужудга келгани учун Қарз олувчи Банкка кечиктирилган тўловларнинг ҳар бир куни учун кечиктирилган тўлов суммасининг 0,1 фоизи миқдорида, аммо кечиктирилган тўлов суммасининг 50 фоизидан ошмаган миқдорда пеня тулайди.

3.3. Қарз олувчи томонидан ушбу шартноманинг шартлари бажарилиб, банк овердрафтни ўз вақтида ажратмаган ҳолатда Банк Қарз олувчига муддатида тўланмаган овердрафт суммасининг кечиктирилган ҳар бир куни учун 0,1 фоиз миқдорида, лекин муддатида тўланмаган кредит суммасининг 50 фоизидан юқори бўлмаган миқдорда пеня тулайди.

#### 4. Шартноманинг амал қилиш шартлари

4.1. Ушбу Шартнома имзоланган кундан бошлаб кучга киради ва Қарз олувчи овердрафтни ва унинг фоизларини тўлагунига қадар ҳамда томонларнинг ўз зиммаларига олган мажбуриятлари тўлиқ бажарилгунига қадар амал қилади.

4.2. Банк овердрафт бериш бўйича ўз мажбуриятларини бажаргунига қадар Шартнома томонлардан бирининг ёзма аризасига кўра бекор қилиниши мумкин.

4.3. Мазкур Шартнома бўйича низолар пайдо бўлган ҳолларда томонлар ўртасидаги низо Ўзбекистон Республикасининг амалдаги қонун ҳужжатларига амал қилган ҳолда белгиланган тартибда ҳал этилади.

4.4. Ушбу шартномага ўзгартиш ва қўшимчалар ҳар икки томон имзолайдиган қўшимча битим билан расмийлаштирилади.

4.5. Шартнома бир хил юридик кучга эга бўлган иккита бир хил нусхада, ҳар бир томон учун биттадан тузилди.

#### БАНК:

\_\_\_\_\_ бўлими/филиали

Манзил: \_\_\_\_\_

СТИР \_\_\_\_\_

Телефон \_\_\_\_\_

Бошқарувчи \_\_\_\_\_

(Ф.И.Ш. ва имзо)

Бош бухгалтер \_\_\_\_\_

(Ф.И.Ш. ва имзо)

м.ў.

Ҳуқуқшунос \_\_\_\_\_

(Ф.И.Ш. ва имзо)

#### ҚАРЗ ОЛУВЧИ:

Ф.И.О. \_\_\_\_\_

Манзил \_\_\_\_\_

Телефон рақами \_\_\_\_\_

Паспорт маълумотлари \_\_\_\_\_ ,  
\_\_\_\_\_ томонидан

\_\_\_\_\_ йилда берилган.

\_\_\_\_\_ (имзо)